

Inatsisartut Naatsorsueqqissaartarfik pillugu inatsisaat

Kapitali 1

Siunertaa suliassallu

§ 1. Naatsorsueqqissaartarfik Kalaallit Nunaanni kisitsisitigut paasissutissiortarnernut qitiusumik oqartussa qarfiuvoq.

Naatsorsueqqissaartarfiup siunertaraa

- 1) inuiaqatigiit ineriartornerisa misissoqqissaarneqarnerinut, naalackersuinikkut allaffissornikkullu ingerlatsinikkut aalajangiinernut, pilersarusiornermut kiisalu inuiaqatigiit ilisimatusarfigineqarnerinut paasissutissatigut tunngavissat qularnaassallugit,
- 2) paasissutissanik katersinissat, suliarinninnissat misissueqqissaarnissallu siunertaralugit periutsinik ineriartortitsissalluni,
- 3) paasissutissanik tunniussisartut attuumassuteqartut atuisullu suleqatigalugit kisitsisitigut paasissutissat tunngavissat amerlisarneqarnissaannut kisitsisitigut tunngavissat pissarsiariniarneqartarnissaat isumagissallugu
- 4) inuiaqatigiit ilisimatusarfigissallugit - tassunga ilanngullugit pingaartumik aningaasaqarnermut, inuussutissarsiornerup ingerlaneranut, inooqatigiinnermut, inuiaqatigiit ajunngitsumik inuuneqarnerinut kiisalu inuit agguataarnerinut tunngasunik - Kalaallit Nunaannut pingaarutilinnik,
- 5) kisitsisitigut paasissutissanik inuiaqatigiinni pissutsinut tunngasunik ingerlatitseqqittassalluni kiisalu naatsorsueqqissaartarfiup ilisimatusarnerinut paasisanik tamanut ingerlatitseqqittassalluni.

§ 2. Naatsorsueqqissaartarfik

- 1) kisitsisitigut paasissutissanik inuiaqatigiinni pissutsinut tunngasunik katersisassaaq, suliarinnittassalluni kiisalu saqqummiussisassalluni,
- 2) akilerneqarluni kisitsisitigut paasissutissanik katersuisinnaavoq, suliaqarsinnaalluni saqqummiussisinnaallunilu kiisalu Namminersorerullutik Oqartussat sullissiveqarfi allat, kommunit, kattuffiit namminersortullu suliffeqarfutaat il.il. sinnerlugit ilisimatusarnernik ingerlatsisinnaalluni,
- 3) pisortat oqartussaasuisa nalunaarsuiffisa, pisortat inuussutissarsiortullu allaffissornikkut suliaminnik ingerlatsinerannut atorneqartut, kiisalu kisitsisitigut paasissutissiornermut atorneqarsinnaasut, aqqissuunnerini atorneqarnerinilu isumaginnittuusaaq peqataalluniluunniit,
- 4) ataatsimiititalianut ataatsimiititaliarsuarnullu kisitsisitigut paasissutissanik ikiuussinnaavoq,
- 5) kisitsisitigut paasissutissanik misissueqqissaarsinnaavoq eqqoriaanernillu suliaqarsinnaalluni,

6) nunat tamalaat akornanni kisitsisitigut paasissutissanut tunngasutigut suleqatigiinnermi sulianik isumaginnittassaaq,

7) misissoqqissaakkanik saqqummersittakkat timitalerneqarnissaannut nalunaarsuiffinnik kisitsinernillu paasissutissanik toqqortarinnittassaaq nutarterisassallunilu,

8) inuiaqatigiit ilisimatusarfigisassavai.

Imm. 2. Naatsorsueqqissaartarfik aammattaaq naalackersuisut aalajangiinerisigut Namminersornerullutik Oqartussat allaffeqarfisa Inatsisartullu atugassaannik kisitsisitigut paasissutissanik pissarsiniarniarneq isumagisassavaa.

§ 3. Pisortat oqartussa qarfiat suliffeqarfialluunniit nalunaarsuiffiliornialerpat kiisalu kisitsisitigut paasissutissanik katersinialerpat suliaqarnialerpallu Naatsorsueqqissaartarfik ilisimatinneqassaaq aqqissueqatigiinnissaaq siunertaralugu.

§ 4. Naatsorsueqqissaartarfik ilisimatusarnerminit paasisaminik tamanut saqqummiussisussaataavoq.

Kapitali 2

Naatsorsueqqissaartarfup aqunneqarnera

§ 5. Naatsorsueqqissaartarfimmut qulliinerusumik akisussaasussatut siulersuisunik toqqaasoqassaaq.

Imm. 2. Siulersuisut tallimanik ilaasortaqaassapput inuiaqatigiinnik ilisimasaqartunik. Naalackersuisut siulersuisunut ilaasortanik ukiuni pingasuni ilaasortaasussanik toqqaasassapput.

Imm. 3. Siulersuisut namminneerlutik suleriaasissisussapput.

Imm. 4. Naatsorsueqqissaarnermut pisortaq siulersuisut ataatsimiinnerini ataatsimeeqataasartutut peqataasassaaq.

§ 6. Siulersuisut pisortat kisitsisitigut paasissutissaataasa ataqatigiissaarneqarnissaannut siunnersuusissapput kiisalu Naatsorsueqqissaartarfup siunertamut aalajangersakkat naapertorlugit sulinera nakkutigissallugu.

Imm. 2. Siulersuisut Naatsorsueqqissaartarfup suliniuteqarfissamisut siumut pilersaarutaannik kiisalu ukiumut pilersaarutaanik akuersisassapput.

Imm. 3. Siulersuisut suliffeqarfup ingerlatsinera pillugit ukiumoortumik naalackersuisunut nalunaaruteqartassapput.

Imm. 4. Siulersuisut siunnersuisartussanik ataatsimiititaliorsinnaapput.

§ 7. Naatsorsueqqissaarnermut pisortaq Naatsorsueqqissaartarfup ulluinnarni aqunneqarneranik isumaginnissaaq sullissiveqarfullu avammut kiinnertartorissallugu.

Imm. 2. Siulersuisut inassuteqarneratigut naalackersuisut naatsorsueqqissaarnermut pisortamik toqqaasassapput.

§ 8. Naalackersuisut Naatsorsueqqissaartarfup aqunneqarnera pillugu sukumiinerusunik malittarisassiorsinnaapput.

Kapitali 3

Aalajangersakkat allat

§ 9. Naatsorsueqqissaartarfiup tungaviumik paasissutissiornissaanut, § 2, imm. 1, 3 aamma 6 naapertorlugit, kiisalu suliniutissaanut ukiumoortumik aningaasaliissutit aningaasanut inatsisikkut aalajangerneqartassapput.

Imm. 2. Aningaasaateqarfinit aningaasat pissarsiat, avataanillu aningaasalersuinerit allat Naatsorsueqqissaartarfiup atorsinnaavai aningaasat atorneqarnissaannut siunertaliunneqartut naapertorlugit.

§ 10. Pisortat oqartussaarfii Naatsorsueqqissaartarfimmit qinnuitigineqarnertik naapertorlugu kisitsitigut paasissutissiornermut suliassatut pilersaarutigineqartut aalajangikkat iluanni paasissutissaatigisaminnik nalunaaruteqartassapput.

§ 11. Inuussutissarsiummik ingerlataqartut, sulisitsisut, inissianik piginnittut attartortullu kiisalu kikkut tamarmik nunanit allanit, taakkununga Savalimmiut Danmarkilu ilanngullugit, nioqputissanik eqquussisut taakkunungaluuniit nioqquteqartut imaluuniit nunani allani aningaasatigut isumagisassaqartut Naatsorsueqqissaartarfiup suliassatut pilersaarutini kisitsitigut paasissutissiugassatut aalajangiunneqarsimasut suliariniarnerini pisariaqartitaanik Naatsorsueqqissaartarfimmit qinnuitigineqarnertik naapertorlugu paasissutissanik tunniussisassapput.

§ 12. Naalakkersuisut paasissutissanik Naatsorsueqqissaartarfimmut tunniussisarneq pillugu malittarisassiussapput.

§ 13. Inuit ataasiakkaat suliffeqarfilluuniit ataasiakkaat pillugit paasissutissat Naatsorsueqqissaartarfiup §§-ini 10 aamma 11 naapertorlugit pissarsiarisai allanut ingerlateqqinneqassanngillat.

§ 14. Piffissaq eqqorlugu paasissutissanik § 10 aamma 11 naapertorlugu piumasaqaatigineqartunik piffissaq eqqorlugu tunniussinngitsoq, piaaraluni imaluuniit mianersuaalliorujussuarluni paasissutissanik eqqunngitsunik tunniussisooq akiliisussanngorlugu eqqartuunneqarsinnaavoq.

Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiiffik assigisaaluuniit unioqputitsisuuppat, ingerlatseqatigiiffik taamaannermisut akiliisussanngortinneqarsinnaavoq. Namminersornerullutik Oqartussat, kommuni, kommunilluuniit suleqatigiiffiat, kommunalbestyrelsit, nunaqarfinni aqutsisut il.il. pillugit inatsisartut inatsisaanni § 64-imut ilaatinneqartoq, unioqputitsisuuppat, Namminersornerullutik Oqartussat, kommuni, kommunilluuniit suleqatigiiffiat taamaannermisut akiliisussanngortinneqarsinnaavoq.

Kapitali 4

Ikaarsaariarnermut, atortuulersitsinerimut atorunnaarsitsinerimullu aalajangersakkat

§ 15. Siulersuisunut ilaasortanik qinerseqqaarnermi ilaasortat marluk ukiup aappaa avillugu ilaasortaasussatut toqqarneqassapput.

§ 16. Inatsit 1. januar 2000 atuutilerpoq.

Imm. 2. Tamatumunnga peqatigitillugu Kalaallit Nunaanni naatsorsueqqissaartarneq pillugu Inatsisartut inatsisaat nr. 5, 19. juli 1989-imeersoq atorunnaarsinneqarpoq.

Namminersornerullutik Oqartussat, ulloq 29. oktober 1999

Jonathan Motzfeldt

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut